



Qaasuitsup Kommunia
Postbox 1023
3952 Ilulissat
Att. Borgmester Jess Svane

Assartuussineq pillugu Isumalioqatigiissitaq pillugu

Asasara Jess Svane.

Allakkannut 17. maj 2011-mi tigusannut qujanaq. Allakkani Assartuussineq pillugu Isumalioqatigiissitaq inassuteqaatai Qaasuitsup Kommunianut tunngasut arlallit oqaaseqarfigaatit. Aallarniutigalugu erseqqissaatigissavara isumaliutissiissut Naalakkersuisunut tunniunneqarmat Assartuussineq pillugu Isumalioqatigiissitaq atorunnaarsinneqarmat, tamatumalu kingorna isumalioqatigiissitamut siulittaasoq Christen Sørensen Assartuussineq pillugu Isumalioqatigiissitamit misissoqqissaakkat pillugit saaffiginninnernut akisuteqartarluni. Matumuuna allakkatigut apeqqutit naalakkersuineriut tunngassuteqartut pingaarnerit oqaaseqarfigissavakka isornartorsiorneqartullu aalajangersimasut ataa-siakkaat Christen Sørensenimut oqaaseqarfigeqqullugit. Taakku allakkanut ukununga ilanngullugit nassiunneqarput.

Assartuussineq pillugu Isumalioqatigiissitaq Nunatsinni attaveqarneri pillugu inuiaqatigiit aningaasaqarneratigut misissueqqissaqquneqarsimanera erseqqissassallugu uannut pingaaruteqarpoq. Taamatut misissueqqissaarneri soorunami sammivimmit ataasiin-narmit isigalugu pisussaavoq, uagullu politikerit nunatsinni attaveqarneri tamarmiusoq pillugu aalajangiissatilluta aalajangiinissamut tamarmiusumut taanna kisimi tunngavigi-neqarsinnaanani. Taamaattorli soorunami aningaasaqarneri apeqqutaasorujussuuvuq taamaattumillu Assartuussineq pillugu Isumalioqatigiissitaq inassuteqaatai sulinnissami tulluuttumi najoqqutassatut pingaarutilittut isigaakka. Taamatuttaaq nunatsinni attaveqar-neq pillugu maannamut misissueqqissaarnerusimasut tamaasa maannakkut katersor-neqarsimalernerit aqqissuunneqarsimalernerilu pitsaalluinnartutut isigaara, taamaalillu-tillu maannakkut assigiimmik tunngaveqarlutik naatsorsuinissamut tunngavissaalerlutik, taamaalillutalu suliaassat ataasiakkaat assersuussinnaalerlutigit.

Taamaattumik Assartuussineq pillugu Isumalioqatigiissitaq isumaliutissiissutaa tunnga-vigalugu nunatsinni attaveqarnermik ineriartortitsinermik aalajangersaanissaq pillugu suleqqinnissami ingerlaqqillualereerpugut. Ineriartortitsineq ungasinnerusumik eqqar-saateqarnermik tunngaveqartussaq nunattalu takornariaqarnermut, aalisarnermut allar-passuarnullu tunngatillugu nalinginnaasumik ineriartortinneqarnissaanut takorluukkat-sinnik tapersiiviususaaq.

Qaanaap Mittarfia

Assartuussineq pillugu Isumalioqatigiissitaq Qaanaap Mittarfia matuneqarnissaanik inassuteqaateqarnera inuiaqatigiit aningaasaqarnerannik naliliinermik taamaallaat tun-ngaveqarpoq. Taamaattorli piviusoq unaavoq Qaanaamut suluusallimmik timmisartuus-sinnaaneq mattutissagutsigu Pituffimmi amerikamiut sakkutooqarfiat pinngitsoorsin-

2. august 2011
Sagsnr. 2011-050381
Dok. Nr. 691695

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

naajunnaassagipput. Taamaattumik Qaanaap Mittarfiata siunissaanik isumaliuteqaan-narsinnaalertinnata amerikamiuni periarfissarsiortariaqassaagut, tassami suleqataaju-manngippata Qaanaap Mittarfiata matuneqarnissaa piviusorsiortuussanngimmat. Suli taamatut periarfissarsiortoqanngilaq. Aammattaaq mittarfimmik matusinitsigut Qaa-naarmiut eqqaanilu nunaqarfimmiut ullumikkornit ajornerusumik atugaqartilnnginnissaat pingaaruteqassaaq.

Taamaattorli tamanna oqaatigereerlugu, ilanngullugu oqaatigerusuppara nunatsinni aki-kinnerpaamik pitsaanerpaamillu attaveqarnikkut atugaqarnissarput isumagissallugu su-liassatut isigigakku. Tamatuma kinguneraa sipaartoqarsinnaanersoq paasiniaarlugu mi-sissueqqissaartariaqartugut maannalu attaveqarnerup naapertuunnerusumik aaqqinne-qarsinnaanera paasinarsissappat allannguinnissamut akornutissarsiussanngilanga – aamma naak taakku pillugit aalajangiinerit nuannarineqarnerpaajussanngikkaluarpata-luunniit.

Ilulissat Mittarfiat

Ilulissani Mittarfimmik alliliisinnaaneq eqqartorneqartillugu taassuma qanoq takitigitinne-qarnissaa pillugu apeqqut taamaattussaannartoq isigineqartarpoq. Qularutigineqaqqu-nanngilaq Ilulissat Qaasuitsullu Kommuniiani innuttaasut pingaartumik Qeqertarsuup Tunuani takornariaqarnerup ingerlalluarnernik nassataqartumik suliniarluarmata ukior-passuarnilu suliniarluarsimallutik. Minnerunngitsumik Assartuussineq pillugu Isumalioqa-tigiissitap misissueqqissaarnerini paasinarsivoq maannakkut 1799 meterinut talliliinis-samut aningaasaqarnikkut tunngavissaqanngitsoq. Ajoraluartumilli attaveqarnermut sa-naartorneq aningaasartuuteqarnartorujussuuvog nunarujussuugattalu innuttakitsuarar-suulluta attaveqarnermut aningaasalersuinissatsinni avataanit aningaasaliisoqarnissaa pisariaqarpoq.

Tamatta malugisatsitut Air Greenland A/S-ip Dash 7-itoqqat Dash 8-nik nutaanerusunik taarsersorneqarnissaat eqqarsaatigalugu suliamik aallartitsisimavoq. Dash 7-it tamarmik taarserneqarnissaasa tungaanut suliap tassunga ingerlaannarnissaa pinngitsoorneqar-sinnaanngilaq. Timmisartut marluk taakku akunnerminni assigiinngissutaat tassaavoq, Dash 8 tamakkiisumik sullissisinnaassaguni mittarfinnik tannerusunik, tassalu mittarfin-nik 1050 m-inik atorfissaqartitsimmat. Taamaattumik mittarfiit naatsut atornegartut, 799 m-inik takissusillit nutarterneqarnissaat pisariaqartinneqarpoq. Aallaqqaammut Ilulissani mittarfiup 850 m-iniit aamma Nuummi mittarfiup 950 m-iniit 1200 m-inut tallineqarnis-saat, taamaalillunilu aamma Dash 8-p saniatigut timmisartut allat pitsaanerusumik sul-lissisinnaalernissaat Naalakkersuisut pilersaarutigaat.

Umiarsualiveqarnermut tunngasut

Naluneqanngitsutut Assartuussineq pillugu Isumalioqatigiissitap piffissakeqaluni sulisi-mavoq taamaattumillu isumalioqatigiissitap sanaartornermut missingiusiorsinnaasarsi-manngilaq. Ilulissani umiarsualivimmuut tunngatillugu aamma taamaappoq. Tamanna tunuliaqutaralugu Assartuussineq pillugu Isumalioqatigiissitap kaammattuutigaa Ilulissat Umiarsualiviat pillugu Namminersorlutik Oqartussaneersunik, Qaasuitsup Kommunია-neersumik kiisalu kommunimi inuussutissarsiornermut soqutiginnittuusinnaasunik inutta-linnik suleqatigiissitanik piaartumik pilersitsisoqassasoq. Oqaatigerusuppara kaammatt-uut taanna pingaartikkakku taamaattumillu siunnersuutigerusuppara suleqatigiissitanik taama ittumik 2011-mi ukiakkut pilersitsisoqassasoq. Siunnersuutigissavara Assartuus-sineq pillugu Isumalioqatigiissitap siulittaasua Christen Sørensen suleqatigiissitanut siu-

littaasunngussasoq taamaalilluta Assartuussineq pillugu Isumalioqatigiissitap kaammattuutai allat naapertorneqarnissaat qularnaarniassagatsigu. Isumaqarpunga Ilulissat umiarsualiviannik misissueqqissaarnikkut ajornartorsiutit aalisarnermut takornariaqarnermullu tunngasut saqqummerumaartut.

Neriuppunga qulaani allassimasut kingornalu Christen Sørensenip ilanngussai allakkannut 17. maj 2011-meersunut naammattumik akissutaasimassasut.

Inussiarnersumik inuulluaqqusillunga

Jens B. Frederiksen